

առ ի գնալ ի պատերազմ. և տէր զօրացուցէ զնոսա. և յայտ անգամին յոյս մեծ ունիմք ջախջախել զգլուխ անիծածին... և... ասեն թէ պոռուչեան զամենայն երկիրն իւր փակեալ է և ոչ ումեք տայ ելևմուտ առնել. և թողեալ է միայն զմի միայն ճանապարհ. և ընդ այն անցանեն կամօք իւրովք. և զամենայն կրօնաւորսն եղեալս ընդ իշխանութեամբ իւրով, և զքահանայսն արարեալ է սօլտատս և զօրապետս: Եւ ասեն բնակիչք Վեննայու թէ յորմէ հետէ կայ այս թագաւորութիւնս և իշխանութիւնս տանն աւրտոռայու ոչ երբէք եղեալ է այսչափ հզօր զօրութեամբ, իշխանութեամբ, փարթամութեամբ և զօրօք. և կարօղ է ասին երկու և երեք հարիւր հազար զօրաց տալ ոռճիկս...: Լուայ ևս թէ պաղտատու Փաշան ինքնազլխաբար դրամ սկսեալ է հատանել: Եւ ընդ Ֆրանսըզու հաշտութիւն առնելն կարի յոյժ հաստատուն է. քանզի ասեն թէ այս թագաւորութիւն այնպիսի թագաւորութիւն մի է, որ ի զանազան ժամանակս պէս պէս փոփոխութիւն ընկալեալ է. ժամանակ մի իտալեացուց առաջնորդութիւնն յաջողեալ է աստ. ժամանակ մի սպանիացուց: Ժամանակ մի ինկիլիզաց. և այժմ աստ զօրացեալ են Ֆրանսըզք, վասն այսորիկ ախորժեւով իւրաքանչիւրքն Ֆրանսըզին արարեալ են զայս մանաւանդ, զի կայսրն զարմիւ է Ֆրանսըզ...:

Յամի տեառն 1756 Սեպ. 4 ի վեննայ

Ն. Ծ.
Հ. Գէորգ վրդ.

ՃԼԹ.

Նախ՝ Վիեննայի Յիսուսեանց վրայ կը խօսուի. յետոյ կ'անցնի մանրամասն ու լաւ տեղագրութիւն մը տալու աւստրիական մայրաքաղաքին վրայ:

Մեծապատիւ հարցր իմոց և Վարդապետաց Հ. Սիմոնի, Հ. Գաբրիէլի, Հ. Անդրէասի, Հ. Վարսենէի, Հ. Յակոբոսի, Հ. Ներսէսի, Հ. Թարեոսի, Հ. Անտոնի, Հ. Դանիէլի, Հ. Մեսրոպի և Հ. Անանիայի բազում սիրով ողջոյն և գրկախառն համբոյր:

Ըստ որում ինդրեալ էին ոմանք ի գերապատիւ հարցն զօրպիտութիւն քաղաքին Վեննայու համառօտի ծանուցանել, և ըստ որում ես ևս յանձն առեալ էի, աւանիկ կարճ ի կարճոյ ձեզ Վերապատուելեացն գրեմ:... Քաղաքս այս գրեթէ ընդ իշխանութեամբ ձիգուիթաց է, քանզի ունին գերիս վանս, յորս են հարիւրաւոր կրօնաւորք. և զհամարումն զոր ունին, ոչ ոք ի կրօնից ունի: Գրեթէ բովանդակ դպրատունքն մեծաւ մեծք, ընդ իշխանութեամբ սոցա են. և մանկունքն ուսանողք բիւրաւորք են. և յորժամ ելանեն ի դպրատանց, իբրև զմեղու ի յեթազաց ելանեն խուռն բազմութեամբ: Փատրի Ֆրանց մի գոյ աստ ձիգվիթ... այլ հմուտ յամենայն մակացութիւնս. խոստովանահայր է թագուհւոյն և խորհրդակից ծածուկ կայսեր. վերակացու է թագաւորական դպրատանն. և սորա խնդրուածովքն թագուհին շինեալ է զայն ահագին դպրատունն ի հիմանց, յորում ամենայն արհեստք և գործիք աստեղաբաշխութեան և մաթէմատիկայից փայլին. զոր ինչ և կամի կարէ յառաջացուցանել...: Եթէ զքաղաքէն հարցանել կամիցիք, յիւրաւի քաղաք մի է ազատ և անվտանգ, զի որ ձեռն արկանէ ի սուր, հատանեն իրաւամբ զձեռս նորա. ուստի ոչ ինչ երկիւղ գոյ սրոյ և մահուան. գիշեր ցերեկ հաւասարապէս արք և կանայք շրջին ի փողոցի աներկիւղ: Լի են եկեղեցիք յամենայն ժամ ժողովրդօք, և ջերմեւանդութիւն նոցա նմանէ ջերմեւանդութեանն զաղատացուց: Եւ ունին յոյժ սաստիկ ջերմեւանդութիւն արտաքսական. ապարանք բազումք են ի քաղաքիս մեծակառոյց. բովանդակքն փատուայու քարով և ստուգայով և ձեփով շինեալ. ըստ արտաքին երևութիւն յոյժ փառազարդք են և հոյակապք բայց ոչ նմանք Վէնէտիկուն. այլ մանաւանդ նմանք են տօլոյու և նովէնթայու մէջ եղած ապարանից: Ունի գեկեղեցիս փառաւորս և ոսկէզօծս և մեծամեծս, բայց ոչ բազում որպէս Վէնէտիկունն, և ոչ մարմարոնեայ այնչափ, որչափ